

Broj: 01-07-07/3-14-2-1220  
Sarajevo, 29.12. 2016. godine

Na osnovu člana 22. Zakona o unutrašnjim poslovima Federacije Bosne i Hercegovine („Službene novine Federacije BiH“, broj 81/14) i u skladu sa Zakonom o javnim nabavkama Bosne i Hercegovine („Službeni glasnik BiH“, broj 39/14), federalni ministar unutrašnjih poslova **d o n o s i**

## **ODLUKU**

**o dodjeli okvirnog sporazuma za nabavku usluga servisa i održavanja informatičke opreme u toku 2017. godine**

### **I**

Na osnovu čl. 64. stav (1) tačka b), 69. stav (1) tačka a), 70. i 89. Zakona o javnim nabavkama Bosne i Hercegovine („Službeni glasnik BiH“, broj 39/14) i na osnovu Odluke o pokretanju postupka nabavke usluga servisa i održavanja informatičke opreme u toku 2017. godine, putem Konkurentskog zahtjeva za dostavu ponuda, broj: 01-06-06/3-14-2-1537 od 31. 10. 2016. godine, dodjeljuje se okvirni sporazum za nabavku usluga servisa i održavanja informatičke opreme u toku 2017. godine.

### **II**

Okvirni sporazum za nabavku usluga servisa i održavanja informatičke opreme u toku 2017. godine dodjeljuje se ponuđaču „FACIT“ d.o.o. Sarajevo, koji je dostavio ponudu sa cijenom u iznosu od 2.376,27KM, sa popustom i PDV-om, koja ispunjava sve uslove predviđene Konkurentskim zahtjevom.

### **III**

Obavezuje se Sektor za materijalno - finansijske poslove Federalnog ministarstva unutrašnjih poslova, da shodno Zakonu o javnim nabavkama BiH, pripremi sve potrebne akte za sklapanje okvirnog sporazuma sa ponuđačem „FACIT“, d.o.o. Sarajevo.

## **O b r a z l o ž e n j e**

Komisija za provođenje postupaka nabavke svih roba, usluga i radova za 2017. godinu putem konkurentskog zahtjeva za potrebe Federalnog ministarstva unutrašnjih poslova - Federalnog ministarstva unutarnjih poslova, formirana Rješenjem federalnog ministra unutrašnjih poslova, broj: 01-07-07/3-14-2-1220 od 14. 9. 2016. godine, provela je  
Bosna i Hercegovina, 71 000 Sarajevo, M. Spahe 7. telefon (+387 33)-280-020, lokal 3100, fax(+387 33)-590-218, www.fmup.gov.ba



postupak po Konkurentskom zahtjevu za dostavu ponuda za nabavku usluga servisa i održavanja informatičke opreme u toku 2017. godine, objavljenom na Portalu javnih nabavki, broj: 405-7-2-60-3-53/16 od 30. 11. 2016. godine. Tom prilikom izvršila je razmatranje, analizu i ocjenu blagovremeno prispjelih ponuda ponuđača: „MMCC“ d.o.o. Sarajevo, sa ukupno ponuđenom cijenom sa PDV-om i popustom u iznosu od 4.372,29 KM (zbog računске greške, uz saglasnost ponuđača, izvršena je korekcija prvobitne cijene koja je iznosila 3.670,29 KM), „PRIMAPROM“ d.o.o. Banja Luka, sa ukupno ponuđenom cijenom sa PDV-om i popustom u iznosu od 4.562,85 KM, „FACIT“ d.o.o. Sarajevo sa ukupno ponuđenom cijenom sa PDV-om i popustom u iznosu od 2.376,27KM i „FIXIT“ d.o.o. Sarajevo sa ukupno ponuđenom cijenom sa PDV-om i popustom u iznosu od 4.647,94KM.

Nakon ispitivanja, Komisija je utvrdila da su sve ponude prihvatljive i da sadrže sve tražene dokumente. Također, uzela je u obzir i odredbe o preferencijalnom tretmanu domaćeg (svi ponuđači dostavili su izjave da podliježu primjeni ovog tretmana).

Shodno navedenom, a budući da je jedini kriterij za dodjelu okvirnog sporazuma najniža cijena te vođen Izveštajem o radu Komisije i preporukom o dodjeli Ugovora, Ugovorni organ je odlučio kao u dispozitivu ove odluke.

**Pouka o pravnom lijeku:**

Protiv ove odluke može se izjaviti žalba Uredu za razmatranje žalbi BiH, u pisanoj formi u roku od 5 (pet) dana od dana prijema iste. Žalba se podnosi putem Ugovornog organa u 3 (tri) primjerka.



**MINISTAR**

**Aljoša Čampara**

Dostaviti:

1. Ponuđaču,
2. Sektoru za mat.-fin. poslove FMUP-a,
3. Kabinetu ministra - Odsjek za odnose sa javnošću  
(za potrebe objave na internetskoj strani FMUP-a – Ugovornog organa),
4. U spis,
5. a/a.

DžĆ/GM

FMUP-ODL